

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԻՐԱՎԱԲԱՆՆԵՐԻ ՄԻՈՒԹՅՈՒՆ

ՊԵՏՈՒԹՅՈՒՆ

ԵՎ

ԻՐԱՎՈՒՆՔ

Թիվ 1(51)
2011 թ.

Գլխավոր խմբագիր՝
Լևոն Օհանյան

Խմբագրական խորհուրդ

Սամվել Դիլբանդյան -

գլխավոր խմբագրի տեղակալ

Դավիթ Մելքոնյան -

պատասխանատու քարտուղար

Գևորգ Դանիելյան

Գագիկ Համբարձումյան

Արթուր Վաղարշյան

Սերգեյ Առաքելյան

Վիգեն Քոչարյան

Հիմնադիր և հրատարակիչ՝
ՀՀ իրավաբանների միություն

Խմբագրության հասցեն՝
ՀՀ, 0025 Երևան,
Ալեք Մանուկյան 1, ԵՊՀ
իրավաբանական ֆակուլտետ:
Հեռ. 55-77-92

*Խմբագրությունը կարող է
հրապարակել նյութեր՝ համամիտ
չլինելով հեղինակների
տեսակետներին:
10 համակարգչային էջից ավելի
չպատվիրված նյութերը չեն
ընդունվում:*

e-mail: petutyun.irav@gmail.com
Դասիչ՝ 77771
Տպագրական 7 մամուլ
Գրանցման թիվը՝ 798
Տպաքանակը՝ 500
Գինը՝ պայմանագրային
Հանձնված է շարվածքի
1.05.2011
Հանձնված է տպագրության
6.06.2011

СОЮЗ ЮРИСТОВ
РЕСПУБЛИКИ АРМЕНИЯ

**ГОСУДАРСТВО
И
ПРАВО**

Номер 1 (51)
2011 г.

Главный редактор:
Левон Оганян

Учредитель и издатель:
Союз Юристов РА

Редакционный совет

Самвел Дилбандян -
зам. главного редактора
Давид Мелконян -
ответственный секретарь

Геворг Даниелян
Гагик Амбарцумян
Артур Вагаршян
Сергей Аракелян
Виген Кочарян

Адрес редакции:
РА, 0025 Ереван,
ул. Алека Манукяна 1,
юридический факультет ЕГУ.
Тел.: 55-77-92
e-mail: petutyun.irav@gmail.com

8 усл. печ. л.
Тираж: 500
Сдано в набор 1.05.2011
Подписано к печати 6.06.2011

ՔՈՎԱՆԴԱԿՈՒԹՅՈՒՆ

ՔՐԵԱԿԱՆ ԻՐԱՎՈՒՆՔ ԵՎ ԴԱՏԱՎԱՐՈՒԹՅՈՒՆ

Александр Соловьев, Маргарита Токарева

ПРОБЛЕМЫ ПРАВОВОЙ РЕГЛАМЕНТАЦИИ ПОЛНОМОЧИЙ ПРОКУРОРА В ДОСУДЕБНЫХ СТАДИЯХ РОССИЙСКОГО УГОЛОВНОГО ПРОЦЕССА4

Մերգեյ Սարաբյան

ԴԱՏԱՐԱՆԻ ԿՈՂՄԻՑ EX OFFICIO ՀԱՆՑԱԳՈՐԾՈՒԹՅԱՄՔ ՊԱՏՃԱՌՎԱԾ ՎՆԱՍԻ ՀԱՏՈՒՑՄԱՆ ՄԱՍԻՆ ՈՐՈՇՈՒՄ ԿԱՅԱՑՆԵԼՈՒ ՈՐՈՇ ՀԻՄՆԱԽՆԴԻՐՆԵՐ ՀՀ ՔՐԵԱԿԱՆ ԴԱՏԱՎԱՐՈՒԹՅՈՒՆՈՒՄ13

Александр Волеводз, Петр Литвишко

ОСОБЕННОСТИ УПРОЩЕННОГО (УСКОРЕННОГО) УГОЛОВНОГО СУДОПРОИЗВОДСТВА ПО ЗАКОНОДАТЕЛЬНОМУ НЕКОТОРЫХ ЕВРОПЕЙСКИХ СТРАН.....21

Արման Սարգսյան

ՁԵՐՔԱՎԱԼՄԱՆ ՕՐԻՆԱԿԱՆՈՒԹՅԱՆ ԵՎ ՀԻՄՆԱԿՈՐՎԱԾՈՒԹՅԱՆ ՆԿԱՏՄԱՄՔ ԴԱՏԱԿԱՆ ՎԵՐԱՀՅՎՈՂՈՒԹՅԱՆ ՀԻՄՆԱԽՆԴԻՐՆԵՐԸ.....37

Պևրոգ Բաղդասարյան

ՔՐԵԱԴԱՏԱՎԱՐԱԿԱՆ ՁԵՎԻ ՏԱՐԲԵՐԱԿՄԱՆ ԹՈՒՅԼԱՏՐԵԼԻՈՒԹՅԱՆ ՀԻՄՆԱՀԱՐՑԸ.....48

ՊԵՏՈՒԹՅԱՆ ԵՎ ԻՐԱՎՈՒՆՔԻ ՏԵՍՈՒԹՅՈՒՆ ՈՒ ՊԱՏՍՈՒԹՅՈՒՆ

Տարոն Սիմոնյան

ԺԱՄԱՆԱԿԻ ԸՆԿՎԱԼՄԱՆ ԵՎ ՍՈՑԻԱԼԱԿԱՆ ՍԿԶԲԵԱԿԱՆ ՈՒ ԸՆԹԱՑԻԿ ՀԻՇՂՈՒԹՅԱՆ ԴԵՐՆ ԱՆԿԱՅՈՒՆ ԵՎ ԱՆՑՈՒՄԱՅԻՆ ՀԱՍԱՐԱԿՈՒԹՅՈՒՆՆԵՐՈՒՄ56

ՄԻՋԱԶԳԱՅԻՆ ԻՐԱՎՈՒՆՔ

Եղիշե Կիրակոսյան, Աննա Մաթևոսյան

ՈՐՈՇ ՆԿԱՏԱՌՈՒՄՆԵՐ «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԻՋԱԶԳԱՅԻՆ ՊԱՅՄԱՆԱԳՐԵՐԻ ՄԱՍԻՆ» ՀՀ ՕՐԵՆՔԻ ՎԵՐԱԲԵՐՅԱԼ67

Մակար Մելիքյան

ԽԱՂԱՂԱՊԱՀ ԳՈՐԾՈՂՈՒԹՅՈՒՆՆԵՐԻ ՄԻՋԱԶԳԱՅԻՆ ԻՐԱՎԱԿԱՆ ԿԱՐԳԱԿՈՐՈՒՄԸ ԵՎ ԼԵՈՆԱՅԻՆ ԴԱՐԱՔԱՂՈՒՄ ՀՆԱՐԱԿՈՐ ԽԱՂԱՂԱՊԱՀ ԳՈՐԾՈՂՈՒԹՅՈՒՆՆԵՐԸ79

ՔԱՂԱՔԱՅԻԱԿԱՆ ԻՐԱՎՈՒՆՔ ԵՎ ԴԱՏԱՎԱՐՈՒԹՅՈՒՆ

Տիգրան Սարկոսյան

ՔՐԵԱԿԱՆ ԳՈՐԾԻ ՀԱՐՈՒՑՈՒՄԸ ՄԵՐԺԵԼՈՒ, ՔՐԵԱԿԱՆ ԳՈՐԾՈՎ ՎԱՐՈՒՅԹԸ ԿԱՐՃԵԼՈՒ ԿԱՄ ՔՐԵԱԿԱՆ ՀԵՏԱՊՆԴՈՒՄԸ ԴԱԴԱՐԵՑՆԵԼՈՒ ՄԱՍԻՆ ՈՐՈՇՈՒՄՆԵՐՈՎ ՀԱՍՏԱՏՎԱԾ ՀԱՆԳԱՄԱՆՔՆԵՐԸ ՆՈՐ ԵՐԵՎԱՆ ԵԿԱԾ ՀԱՆԳԱՄԱՆՔՆԵՐ ԴԻՏԱՐԿԵԼՈՒ ՀԻՄՆԱԽՆԴԻՐԸ ՔԱՂԱՔԱՅԻԱԿԱՆ ԴԱՏԱՎԱՐՈՒԹՅՈՒՆՈՒՄ88

Գոռ Մովսիսյան

ԲՆԱԿԱՆ ՌԵՍՈՒՐՍՆԵՐԻ ՊԵՏԱԿԱՆ ԿԱՌԱՎԱՐՄԱՆ ՏԵՍԱԿԱՆ ՀԻՄՔԵՐԻ ՇՈՒՐՋ 94

Լիպարիտ Դրմեյան

ՖՐԱՆԶԱՅԶԻՆԳԻ ՊԱՅՄԱՆԱԳՐԻ ԱՌԱՐԿԱՆ. ՖՐԱՆՇԻԶԱ.....102

Լիլիթ Քամայան

ՎԵՃԵՐԻ ԼՈՒԾՄԱՆ ՊՐԵՏԵՆԶԻՈՆ (ՊԱՀԱՆՋԱՅԻՆ) ԿԱՐԳԸ ԵՎ ԺԱՄԿԵՏՆԵՐԸ ՄԻՋԱԶԳԱՅԻՆ ԱՎՏՈՍՈՐԵԼԱՅԻՆ ԲԵՌՆԱՓՈՒՆԱԴՐՈՒՄՆԵՐՈՒՄ.....111

**ՊԵՏՈՒԹՅԱՆ ԵՎ ԻՐԱՎՈՒՆՔԻ
ՏԵՍՈՒԹՅՈՒՆ ՈՒ ՊԱՏՄՈՒԹՅՈՒՆ**

**ԺԱՄԱՆԱԿԻ ԸՆԿԱԼՄԱՆ ԵՎ ՍՈՑԻԱԼԱԿԱՆ ՍԿՋԲՆԱԿԱՆ ՈՒ
ԸՆԹԱՑԻԿ ՀԻՇՈՂՈՒԹՅԱՆ ԴԵՐՆ ԱՆԿԱՅՈՒՆ ԵՎ ԱՆՑՈՒՄԱՅԻՆ
ՀԱՍԱՐԱՎՈՒԹՅՈՒՆՆԵՐՈՒՄ**

Տարոն ՍԻՍՈՆՅԱՆ

ԵՊՀ պետության և իրավունքի տեսության և պատմության ամբիոնի ասպիրանտ

*«Մեր բնույթի հոգևոր և ֆիզիկական կողմերին վերաբերող փորձի ուղորտների մոտեցման յուրաքանչյուր դեպքում ժամանակն ունի որոշիչ դեր»
Ա. Ս. Էդինգտոն*

Մարդկային հասարակությունը ինքնազարգացող բաց համակարգ է և մշտապես գտնվում է փոխակերպումների, վերափոխման և կատարելագործման փուլերում: Ժամանակակակից իրականության ամենից հետաքրքիր առանձնահատկությունը սոցիալական փոփոխության հեղափոխական տեմպն է՝ պայմանավորված միջազգային հարաբերություններում, պետությունում, սոցիումում տեղի ունեցող գերարագ զարգացումներով: Այս պայմաններում ժամանակի ընթացքի գիտակցումը որոշիչ է դառնում սոցիալ-պետական զարգացումները դիտարկելիս:

Համակարգերի զարգացման գործընթացում սիներգետիկայի համար կարևորություն են ներկայացնում քառսից կարգի ու հակառակն անցումը և դրանում ընտրության դերը, այնուհետև՝ կեցությունում ցանկացած երևույթի ժամանակային չափականության ընդունումն է, ինչը չափազանց մեծ դեր է կատարում սոցիալ-պետական համակարգի՝ հետագա զարգացման ուղիների՝ ատտրակտորի ընտրության

գործում: Այդ է պատճառը է, որ «մեր օրերում գիտական հետազոտությունների հիմնական շեշտադրումը սուբստանցիայից տեղափոխվել է հարաբերություններ, կապեր, ժամանակ»¹:

Սիներգետիկայի տեսանկյունից աշխարհը բաց է և գտնվում է ձևավորման գործընթացում, այլ կերպ՝ անընդհատ էվոլուցիայի է ենթարկվում ոչ գծային օրենքներով ընտրության մեխանիզմի շնորհիվ (տեզաուրուս, դետեկտոր, սելեկտոր): Այս մշտական ձևավորումն անցյալի, ներկայի և ապագայի բարդ կապ է, որը տարբերվում է դետերմինիզմի դասական տարբերակից: Տվյալ դեպքում խոսն ինչպես անցյալի, այնպես էլ ապագայի հետ ներկայի դետերմինացման պարադոքսալ միասնության մասին է²: Սեփական ներուժն իրացնելու համակարգի ձգտումը նշանակում է պատճառի և նպատակի համընկում: Այդ պատճառով ցանկալի ապագան որոշակիացնում է (թեև ոչ կաուզալ) ներկան³:

Այստեղ չափազանց կարևորվում է քառսի կամ խիստ անկարգավորվածության դերը, քանի որ «[ք]առսը հանգեցնում է ժամանակի նետի միացմանը դրա հիմնարար դինամիկ բնորոշման մեջ: Քառսը թույլ է տալիս լուծել ժամանակի պարադոքսը»⁴:

Խոսելով նման բարդ և դժվար ճանաչելի ֆենոմենի մասին, ինչպիսին ժամանակն է սոցիալական կեցություն՝ պետք է հասկանալ դրա իրական դերն ու էությունը սոցիալական փոփոխությունների, հատկապես անցումայնության փուլում և պատասխանել այն հարցին, թե ինչ կերպ է տեղի ունենում սոցիալական համակարգի և դրա անդամների կողմից արագացող փոփո-

խությունների ընկալումը, ինչն էլ առաջացնում է ժամանակի կրճատման երևույթը: Այլ կերպ՝ սա սոցիալական քառսից կարգավորվածության անցնելու սուբյեկտիվ կողմն է:

Այսպիսով, Սանուել Կաստելի հռետորական հարցը, թե «ի՞նչ է իրենից ներկայացնում ժամանակը՝ այդ անհասանելի հասկացությունը, որը տարակուսանքների մեջ գցեց Սուրբ Օգոստոսին, մոլորության մեջ գցեց Նյուտոնին, ոգևորեց Այնշտայնին, տանջեց Հայդեգերին, և ինչպես է այն ձևափոխվել մեր հասարակությունում»⁵ արդիական է բոլոր ժամանակներում և խնդրահարույց բոլոր հետազոտողների համար:

Ըստ Հերակլիտի՝ ժամանակը մշտապես լարած ժամացույց չէ, միաչափ մեխանիզմով մեքենա չէ, այլ «քարերով խաղացող երեխա է»⁶: Սա հենց բնութագրում է ժամանակի սիներգետիկ առանձնահատկությունը: Սրանով «մեր առջև բացվում է խաղային ժամանակի պատկերը. աշխարհի հնարավորությունների մշտական փորձի պատկերը շատ մոտ է սիներգետիկայի ոգուն»⁷:

Դեռևս հատուկ և ընդհանուր հարաբերականության տեսություններից հայտնի է, որ ժամանակը համընդհանուր օբյեկտիվ երևույթ չէ, և կան ժամանակի տարբեր մակարդակներ: Առաջին անգամ ժամանակի մակարդակների գաղափարը մանրամասնվել է Ջ. Ֆրասերի աշխատությունում⁸, ով առանձնացնում էր ժամանակի գոյության վեց մակարդակ, որը համապատասխանում է մատերիայի գոյության համապատասխան վեց ձևերին՝ քվանտային, մոլեկուլյար, թերմոդինամիկ, բիոլոգիական, հոգեբանական և սոցիալական⁹: Այդ մակարդակները ոչ միշտ են համահունչ գործում: Ընդհակառակը՝ հիմնականում տարբեր ժամանակային հարթություններում են գտնվում: Իսկ երբ, օրինակ, հոգեբանական և սոցիալական ժամանակները չափազանց շատ են իրարից տարբերվում, առաջանում է սոցիալական քառսի կամ

ստագնացիայի երևույթը, ինչն էլ կազմում է սոցիալական սիներգետիկայի հետաքրքրությունների ոլորտը:

Ինչպես գիտենք, բոլոր սոցիալ-պատմական երևույթները տեղի են ունենում ժամանակի որոշակի պահի և ձգվում են ժամանակի մեջ: Ժամանակը տարածության նման սոցիալական կեցության համընդհանուր բովանդակություն է: Դրա համար սոցիալ-իրավական և պետական երևույթների ուսումնասիրության համար «[մ]ենք պետք է ըմբռնենք տարածաժամանակային հարաբերությունները բոլոր սոցիալական փոխհարաբերությունների ամբողջության մեջ անքակտելիորեն»¹⁰: Ժամանակը մարդկային իրականության անհրաժեշտ չափականությունն է, «որը բովանդակում է մեր կյանքի բոլոր ոլորտները»¹¹: Այս օնթոլոգիական փաստերը իրականում առաջացնում են էպիստեմոլոգիական հետևանքներ, քանի որ դրանք պատճառ են «սոցիալական գիտություններում ժամանակի՝ որպես առարկայի կենտրոնական դերի համար»¹²:

Ժամանակի էությունն ամենից շատն է վերաբերում սոցիալական փոփոխությանը: Հենց ժամանակի գաղափարն է բխում իրականության փոփոխվող բնույթից: Անհմար է արտահայտել և հասկանալ ժամանակն առանց հղում կատարելու որոշակի փոփոխության: Եվ հակառակը. փոփոխության գաղափարը՝ առանց ժամանակի, պարզապես չի կարող արտահայտվել: «Ցանկացած ձևավորում, փոփոխություն, գործընթաց, շարժում, դինամիկ վիճակ, գուճադրելով առկային, ներառում է ժամանակ»¹³:

Սոցիալական փոփոխության հետազոտության համար ժամանակը ոչ միայն ընդհանուր չափականություն է, այլ նաև հիմնական գործոն¹⁴: Սոցիալ-պետական սիներգետիկային վերաբերող ցանկացած աշխատանքում ժամանակը կատարում է հիմնական ու որոշիչ գործոնի դեր, և առանց դրա ըմբռնման ու ճիշտ կիրառման աշխատանքը զրկվում է գործնական նշա-

ՊԵՏՈՒԹՅԱՆ ԵՎ ԻՐԱՎՈՒՆՔԻ

ՏԵՍՈՒԹՅՈՒՆ ՈՒ ՊԱՏՍՈՒԹՅՈՒՆ

նակությունից, քանի որ հակառակ դեպքում սոցիումը և պետությունը միայն տարածականորեն են հետազոտվում և կորցնում են իրական դիմամիկ եությունը բացահայտելու հնարավորությունը:

Սոցիալական սիներգետիկայի ուսումնասիրման կարևորագույն խնդիրը կայունության և անկայունության անցման առանձնահատկություններն են, ինչում մեծ է «ժամանակ» կատեգորիայի դերը:

Այն, ինչ, ընդհանրապես, անվանվում է կայունություն, «մեծամասամբ վերաբերում է փոփոխության արագությանը, ինչը շատ ավելի դանդաղ է, քան դիտարկողին»¹⁵ (օրինակ՝ ավանդական հասարակությունները չափազանց դանդաղ են փոփոխվում, երբ այն չափվում և սահմանվում է արևմտյան չափորոշիչներով):

Կայունության մասին խոսելիս մտքում առաջանում է տարբերության հարաբերական չգոյություն, հարաբերականորեն երկարացված ժամանակաշրջաններում գծային զարգացումների առկայություն: «Սոցիալական կայունության մասին խոսելիս չպետք է վերացարկվել ժամանակից, քանի որ կայունությունը նշանակում է ժամանակի մեջ շարունակականություն»¹⁶: Մինչդեռ անկայունության ժամանակ խոսքը հենց սոցիալ-պետական կարգի փոփոխության մասին է, երբ դիտարկողի համար արտաքին՝ սոցիալ-պետական կարգի փոփոխությունների արագացման պատճառով այդ փոփոխությունների պատճառահետևանքային կապերի գիտակցումը դժվարանում է, արագանում է նաև դրանց հերթափոխը, դժվարանում է ճանաչելի լինել հենց պատճառի և հետևանքի եությունը, և արդյունքում առաջանում է ոչ գծային զարգացումների պատկերը, ինչն էլ հենց սիներգետիկ զարգացումներն է խորհրդանշում:

Իսկ ինչ վերաբերում է սոցիալական փոփոխությանը, ժամանակը կարող է ար-

տահայտվել երկու կերպ.

1. այն կարող է ծառայել որպես իրադարձությունների և գործընթացների չափման արտաքին հիմք՝ կարգավորելով դրանց քառային ընթացքը՝ ի օգուտ մարդկանց կողմնորոշվածության կամ սոցիալական գործունեության կողողինացման («քանակական ժամանակ»): Որքան ավելի է բարդանում և համալիր դառնում մարդկային հասարակությունը, այնքան ավելի են կարևոր դառնում ժամանակային կարգավորումը և կողողինացիան¹⁷,

2. կա նաև այլ ճանապարհ, որով ժամանակը կապվում է սոցիալական փոփոխության հետ. ոչ որպես արտաքին՝ սահմանագծման համար հիմք (*framework*), այլ որպես սոցիալական իրադարձությունների և գործընթացների ներքին, ներհատուկ, օնթոլոգիական սեփականություն: Սա «որակական ժամանակն» է, որը բնորոշվում է սոցիալական գործընթացների բնույթով:

Հենց այստեղ է, որ, երբ քննարկվում է որևէ սոցիալական գործընթաց, այն արտահայտում է տարբեր ժամանակային որակներ.

ա. դրանք կարճ են կամ երկար (օրինակ՝ օրենսդրական բարեփոխումը և երկար ձգվող բարոյական լճացումն ու նեխումը),

բ. դրանք գործում են դանդաղ կամ արագ,

գ. դրանք բնորոշվում են ռիթմիկ կամ պատահական ընդմիջումներով,

դ. դրանք բնական կամ սոցիալական հանգամանքների միջոցներով ճեղքվում են տարբեր սուբստանտիվ որակների միավորների¹⁸:

Սոցիալական սիներգետիկայի համար կարևորություն է ներկայացնում ժամանակի՝ որպես սոցիալական բոլոր գործընթացները և իրադարձությունները օբյեկտիվորեն ընդգրկող սոցիալական կյանքի ընդհանրական բնորոշիչի արտացոլումն անհատական և սոցիալական գիտակցությունում:

ժամանակի ըմբռնումը և հասկացումը

համընդհանուր մարդկային փորձ են: Առանձին մարդիկ տարբերվում են «ժամանակի իրենց զգացմամբ»՝ իրադարձությունները սահմանելու, պահերն առանձնացնելու, ինչ-որ նպատակի հասնելու համար գործընթացի տևականությունը նախագգալու, գործընթացերը ինտերվալների բաժանելու միջոցով:

Սոցիոլոգիայի, իրավագիտության և պետականագիտության համար ժամանակի սոցիալ-հոգեբանական կամ մշակութային դրսևորումները էլ ավելի հետաքրքիր են: Դրանք «կարող են լինել սիմվոլները, արժեքները, կանոնները, ժամանակին ուղղված և խմբի, համայնքների, դասերի և այլ կոլեկտիվների, սոցիալական միավորների կողմից ընդունված կողմնորոշումներ: Դրանք դառնում են կարգավորված, արմատավորված սոցիալական գիտակցությունում կամ մշակութային մեք բերելով միջսուբյեկտային և նորմատիվ որակներ և ստեղծելով տարբեր հասարակությունների «ժամանակային պատկերներ»: Մշակութային նման ընդհանուր ուղղությունների կնիքը զգացվում է սոցիալական կյանքի տարբեր ոլորտներում՝ արտահայտված վարքագծի յուրահատուկ ոճով»¹⁹:

Երբ խոսքը ժամանակային կողմնորոշման կամ ժամանակային պատկերի մասին է, կարելի է տարանջատել հետևյալ ասպեկտները՝

1. ժամանակի իրազեկության մակարդակը,

2. ժամանակի իրազեկության խորությունը,

3. ժամանակի ուրվագիծը կամ ձևը՝ շրջանաձև, թե գծային,

4. շեշտադրումը անցյալին կամ ապագային,

5. ապագայի արտահայտման եղանակը: Սա կարող է դիտվել կամ որպես պասիվ հանդիպող, կամ որպես ակտիվորեն կառուցվող երևույթ,

6. գերակայող արժեքի շեշտադրումը կամ փոփոխության, նորարարության և ա-

ռաջընթացի վրա (առաջընթացի կողմնորոշում), կամ կրկնության, նույնականության և կարգի վրա (պահպանողական կողմնորոշում)²⁰:

Ժամանակի գործոնը կարող է մտնել հասարակության մշակույթ, սոցիալական խմբի կամ համայնքի մեջ ոչ միայն ժամանակային կողմնորոշման ընդհանուր իրավասությամբ, այլև նորմերի շատ ավելի յուրահատուկ ձևով (նորմատիվ սպասումներ)²¹, որոնք կարգավորում են մարդկային վարքագծի տարբեր ոլորտներ:

Նման կանոններ կարելի է գտնել ինչպես զանազան ինստիտուտների մեջ, այնպես էլ զանազան սոցիալ-պետական դերերում՝ յուրահատուկ սոցիալ-պետական դիրքորոշումներով: Ավելի կարճ՝ կարելի է ասել, որ ժամանակի հետ գործ ունեցող կանոնները սոցիալական նորմատիվ համակարգերում կառուցվածքայնորեն տարածված են կանոնների ավելի լայն ցանցերում:

Նման կանոնների մեկ կարևոր կատեգորիա է առանձնացրել Ռոբերտ Մերտոնը. այն կոչվեց «*սոցիալական ակնկալված տևողություն*»²²: Ըստ նրա՝ կան որոշակի կարևոր սոցիալական նորմեր, որոնք կազմում են «*սոցիալական կառուցվածքների և միջանձնային հարաբերությունների հիմնական ժամանակային բաղադրիչը*»²³: Նման նորմերը ներառված են սոցիալական կառուցվածքներում, պետական մարմիններում, կարգավորում են որոշակի գործողությունների տևականությունը: Իմաստն այստեղ միայն այն չէ, որ սոցիալական կյանքի որոշակի ձևեր տևում են երկար, քան մյուսները, այլ այն, որ գոյություն ունի նորմատիվ ակնկալիքներ, որոնց բնորոշում են, թե ինչքան պիտի դրանք տևեն, և նման նորմերից յուրաքանչյուր շեղում հասարակության կողմից դիտվում է որպես սանկցիա ենթադրող խախտում²⁴:

Եվ ընդհանրապես, ժամանակի գործառույթների²⁵ կարևորությունը փոփոխվում է մարդկային հասարակության, դրա ինստիտուտների և կազմակերպությունների,

ՊԵՏՈՒԹՅԱՆ ԵՎ ԻՐԱՎՈՒՆՔԻ

ՏԵՍՈՒԹՅՈՒՆ ՈՒ ՊԱՏՍՈՒԹՅՈՒՆ

դրանց անդամների առջև ծառայող խնդիրների և մարտահրավերների բարդացման և համալիրացման հետ զուգահեռ, քանի որ, «որքան մեծ է լինում խաղացողների փոխկապվածությունը, այնքան ավելի շատ է զգացվում ժամանակային սինխրոնացման անհրաժեշտությունը»²⁶, և ոչ միայն:

Սիներգետիկան համակարգային մոտեցման մեջ ներդրում է ժամանակի նոր հասկացում՝ տալով համակարգային մոտեցմանը նոր որակ՝ որպես տարբեր ժամանակների կոմունիկացիոն, շրջանաձև փոխկապվածության բազմազանություն, որը բովանդակում է նյութոսոցիալական մեխանիկայի դառնալի ժամանակը, Այնշտայնի հարաբերականության տեսության ազդանշանների փոխանակման ժամանակը, քառսից կարգի ձևավորման անդառնալի ժամանակը, որում, համաձայն Պրիգոժինի, առաջանում է «ժամանակի նետը»՝ ժամանակը, իսկ ավելի ճիշտ՝ տարբեր մշակույթներում դրա մասին պատկերացումը՝ պատմական, առանցքային, ըստ Կ. Յասպերսի՝ մարդկային քաղաքակրթության ժամանակը և, վերջապես, Ա. Բերգսոնի ժամանակը՝ մարդու սուբյեկտիվ փորձի, ապրումների ժամանակը²⁷:

Այս պայմաններում է, որ չպետք է անտեսել անհատական և/կամ սոցիալական հիշողության դերը, ինչը պայմանավորված է ժամանակով, և ինքն էլ իր հերթին զարգացման որոշակի փուլում պայմանավորում է ժամանակը: Քառսային ռեժիմում համակարգային հիշողությունը, ինչը ներառում է և՛ անհատական, և՛ հասարակական հիշողությունը՝ միասին վերցրած, գերլարված վիճակում է գտնվում: Այդ լարվածությունը հաղթահարելուց հետո, որի ժամանակ այդ հիշողությունից պահանջվում է ստեղծագործական մոտեցում և նորի արարում, կարծես թե համակարգն ինքն է իրենից «մաքրում» կամ այլ կերպ՝ հե-

ռացնում, մոռացության է մատնում, արխիվացնում է քառսային կեցությունում կուտակված հիշողությունը և արարված նորի ստեղծման բուն գործընթացի վերաբերյալ տեղեկատվությունը՝ պահպանելով միայն գործընթացի սկզբի և արդյունքի վերաբերյալ տեղեկություններ:

Հավանաբար դա է պատճառը, որ արդեն հարաբերական կայուն վիճակում գտնվողների համար նախկին կարգից քառսային անցման միջոցով նոր կարգի անցումը «կայծակնային» է թվում. նրանց ուղեղը, կարծես, իրենից հեռացնում է գերլարված վիճակում աշխատելու վերաբերյալ տեղեկատվությունը: Դրա համար էլ շատ դեպքերում համակարգի՝ հասարակության և պետության ներսում գտնվող դիտորդի համար համակարգը կատարում է թռիչքաձև զարգացում:

Ինչպես արդեն գիտենք, գիտությունում ընդունված է ժամանակի մի քանի տեսակ՝ արտաքին և օբյեկտիվ, ֆիզիկական և ներքին ժամանակ, սուբյեկտիվ և հոգեբանական, ինչպես նաև սոցիալական և պատմական ժամանակ²⁸: «ժամանակի սեղմման» ֆենոմենը, դրա ղեկավարման հնարավորությունը վերաբերում են ներքին, հոգեբանական ժամանակին, ինչպես նաև որոշակի առումով՝ սոցիալ-պատմական ժամանակին²⁹:

Այսպիսով, պետք է փաստել, որ հասարակական կարգի, պետահրավական փոփոխությունները հասարակության անկայունության և անցումայնության փուլում, երբ դրսևորվում է քառսի երևույթը, և համակարգը անցում է կատարում քառսի միջոցով դեպի նոր կարգավորվածություն, համակարգի ներսում գտնվողի համար տեղի են ունենում անկանխատեսելի, քառսային զարգացումներ, դիտորդը ժամանակի մեջ ընկալում և հասկանում է միայն փոփոխության սկզբնական և արդեն ավարտական որոշ փաստեր՝ տեղեկատվություն: Գործընթացի ամբողջ ընթացքը չընկալելու պատճառով դիտորդի համար առկա է լինում թռիչքաձև անցում, որի վրա

ինքը ներազդելու ոչ մի լծակ չունեն և չէր էլ կարող ունենալ, քանի որ քառսը հենց կամքից դուրս օբյեկտիվ երևույթ է:

Սակայն, ի նկատի ունենալով սիներգետիկայի «դիտարկելիության» սկզբունքը, կարծում ենք՝ իրականում քառսը ոչ թե օբյեկտիվ, այլ սուբյեկտիվ երևույթ է՝ կապված դիտորդի՝ համակարգի զարգացման ամբողջ դետերմինիստական շղթան ընկալելու անընդունակությունից: Ահա այս ժամանակի ընկալման սուբյեկտիվությունն է, որ կարող է ստեղծել ժամանակի մեջ սուբյեկտի դերի ինչ-որ կողմնորոշում:

Քանի որ դիտորդն ինքը համալիր, բարդ տեղեկատվական համակարգ է, նրա սուբյեկտիվ տարածությունն ու ժամանակն ինքնին ուրույն որակներ ունեն: Հարաբերած այն բանի հետ, ինչ տեղի է ունենում սուբյեկտիվ տարածության սահմաններից դուրս, և հարաբերած դիտորդի սուբյեկտիվ ժամանակի հետ չհամընկնող իրադարձությունների դինամիկային՝ իրականությունը վերացական, դիտորդից անկախ տարածությունը և ժամանակը չէ, այլ հենց դիտորդի ժամանակ:

«Վերացական» ֆիզիկական ժամանակի և մարդկային անհատի սուբյեկտիվ ժամանակի հարաբերակցության բացահայտումը թույլ է տալիս ոչ միայն լուծել ժամանակի սցինետիկ և հակասցինետիկ հայեցակարգերի հակասությունները³⁰, այլ նաև հաստատել կապ տեղեկատվական համակարգերի (կյանքի դինամիկա, հոգեբանության դինամիկա և այլն) և դրանց հիմքում ֆիզիկական գործընթացների միջև³¹:

Տեղեկատվության հետ անմիջականորեն կապված է բնական և հասարակական ինքնակազմակերպման գործընթացը: Ինչպես նշում է Ն. Վիները «պատահական մուտքին ոչ գծային համակարգերի արձագանքը մեզ տալիս է որոշակի սիներգետիկ գործունեության կազմակերպման ֆիզիոլոգիական գործընթացների հնարավորության բանալին»³²:

Հասարակության կեցույթում սիներգե-

տիկ զարգացումների մանրակրկիտ և հետևողական ուսումնասիրությունը հնարավորություն է տալիս պատասխանելու, թե անցումային հասարակություններում ինչպես է տեղի ունենում պետականության ատրիբուտների առաջացումը կամ հետընթաց զարգացումը, որոնք շատ հաճախ դուրս են գտնվում մարդկային ծրագրավորված հսկողությունից, և որոնցում մեծ մասամբ կանխորոշիչ դեր են ունենում համակարգային հիշողության առանձնահատկությունները:

Հասարակական համակարգում գործող հետադարձ կապի շնորհիվ, ինչը սոցիալպետական կյանքում, որպես կանոն, առկա է զուտ այն պատճառով, որ սոցիալական համակարգերն ակտիվ տեղեկատվություն են կրում և պահպանում իրենց անցյալի մասին (հատկապես պետաիրավական պրակտիկայի ոլորտում), առաջանում է անխափան կապ անհետևանք չմնացած անցյալի, ընթացիկի և գալիքի միջև, որն արտահայտվում է անցյալի և ներկայի արդյունքների ապագային փոխանցման մեջ: Հասարակական համակարգի ակտիվ հիշողության մասն պայմաններում կարող է առաջանալ անցյալի, ներկայի և ապագայի միաժամանակյա և միաձուլված ներկայություն: Ժամանակի այս մակարդակների միաձուլված առկայության պայմաններում գերլարված համակարգային հիշողությունն ինքն է պայմանավորում բիֆուրկացիոն կետում ընտրությունը, որում մեծ դեր ունի համակարգային սկզբնական հիշողությունը, այլ կերպ՝ դրանից բխող վերաբերմունքը, որը պարունակում է համակարգի՝ որպես մեկ աբողջության ձևավորման պահին եղած, երբեմն նաև սոցիալպատմական զարգացման ընթացքում ձևավորված (ընթացիկ) վերաբերմունքը, արտաքին միջավայրից համակարգ ներթափանցող գործոններին, ինչպես նաև սեփական նպատակին, «առաքելությանը»: Այս վերջինս է, որ ի վիճակի է համակարգային քառսի սահմանային վիճակում բիֆուրկացիոն ընտրություն կատարելիս

ՊԵՏՈՒԹՅԱՆ ԵՎ ԻՐԱՎՈՒՆԵՐ

ՏԵՍՈՒԹՅՈՒՆ ՈՒ ՊԱՏՍՈՒԹՅՈՒՆ

ստեղծել կամ վերագտնել նոր կամ մոռացված ատտրակտոր և պայմանավորել սոցիալ-պետական կառուցվածքների հետագա զարգացումը:

Խնդիրն ավելի է բարդանում և համալիր դառնում 20 և 21-րդ դարերում, երբ սկզբնավորվում և ձևավորվում է «տեղեկատվական հասարակությունը», որը համարվում է մարդկային սոցիալական կեցության զարգացման հերթական մակարդակը³³: Գիտելիքի (անցյալի հիման վրա ստեղծված) և տեղեկատվության (ընթացիկ) փոխհարաբերության յուրահատկությունը տանում է այն բանին, որ «նոր անտրոպո-սոցիալ կառուցվածքի կարևորագույն բնութագրիչներից մեկը դառնում է «ժամանակից դուրս ժամանակը»³⁴, ինչը հակադրության մեջ է գտնվում ժամանակակից աշխարհում զարգացման տեղեկատվական ձևի վրա հիմնված հասարակությունում տարածաժամանակի սեղմման փաստարկների հետ»³⁵: Համաձայն Մ. Կաստելիի՝ ժամանակակից ցանցային հասարակությունը, կողմնորոշված լինելով դեպի «տեղեկատվականությունը»՝ որպես զարգացման նոր միջոց, փորձում է ստեղծել «հավերժական տիեզերք», որտեղ ժամանակային սահմանափակումները առավել շատ ու շատ պիտի դուրս գան³⁶:

Սակայն մեզ այստեղ հետաքրքրում է ոչ այնքան էքզիստենցիալիստական փիլիսոփայության և հոգեբանության հարցերը, որքան ժամանակի սիներգետիկան՝ որպես մարդու կողմից կառուցված հատուկ իրականություն, որպես իրադարձություն-ընթացակարգային ամբողջություն՝ դրա կոնունիկատիվության չափականությունում: Վերոնշյալի լույսի ներքո կարելի է ասել, որ «ժամանակի դանդաղելու և սեղմման ֆենոմենները սկզբունքորեն ունեն հարաբերության իրադրությունների, մարդու՝ ինքն իր և այլ անձանց հետ հարաբերությունների, բնության և տրանսցենդենտալ սկզբի

հետ երկխոսության, անմիջականորեն կամ միջնորդավորված, սակայն ամեն դեպքում իրենում ներառող ինչպես տեղեկատվության փոխանակման հարաբերության պրակտիկան, այնպես էլ ձևավորվող սուբյեկտի հոգևոր պրակտիկան /«տրանսցենդենտալ էմպիրիզմ»/, միջանձնային հարաբերությունների տեմպորալ [ժամանկային] գելշտատի [կառուցվածք] փոփոխման միևնույն բնույթը»³⁷:

Ահա այս քառսի սահմանային վիճակում է, որ սոցիալական համակարգի հիշողությունը՝ անցյալի վերաբերյալ և ուղղված ապագային, որն այլ կերպ կարելի է անվանել հասարակության «առաքելություն», մտնում է ակտիվացման փուլ և պայմանավորում սոցիալ-պետական զարգացման բիֆուրկացիոն կետում նոր ատտրակտորի ընտրությունը, որը պարունակում է հասարակության ներսում առկա արխետիպային պատկերացումները, սկզբնական վերաբերմունքը պետականությանը և հասարակական, միջանձնային կյանքում դրա դերին, գործառույթներին և ընդհանրապես՝ առաքելությանը: Միգուցե սրանով է երբեմն պայմանավորվում որոշ հասարակություններում սոցիալական հեղափոխություններից հետո, որպես կանոն, առկա պետականության ճգնաժամերը և դրանից օգտվող որոշ քաղաքական ուժերի՝ հիմնականում դեմագոգիկ մեթոդների օգտագործմամբ պետական իշխանության գալու դեպքերը և հնարավորությունները, որոնք, այնուամենայնիվ, պետական իշխանության լեգիտիմացման տեսանկյունից ունենում են կարճ կյանք:

Եվ այստեղ պետք է նշել, որ քառսի սահմանային վիճակի ատտրակտորները ունեն իրենց առանձնահատկությունները. դրանք «բավական կայուն են իրենց և իրենց միջավայրի վերաբերյալ տեղեկատվություն պահպանելու համար, սակայն դեռևս բավական փոփոխվող (թրթռացող)՝ այդ տեղեկատվությունն օգտագործելու համար: Այս ատտրակտորները իրենց միջավայրի հետ փոխհարաբերվում են ար-

ծագանքման միջոցով. դրանով իսկ նրանք փոխհարաբերվում ու դառնում են իրենց միջավայրի մասը»³⁸:

Սակայն բիֆուրկացիոն կետում՝ բացի արխետիպային սկզբնական հիշողությունը կիրառելուց, որը, ինչպես նշեցինք, պայմանավորված է ժամանակով, և ինքն էլ իր հերթին զարգացման որոշակի փուլում պայմանավորում է ժամանակը, ատտրակտորի ընտրությունն իրականացնելիս պետք է գիտակցել տվյալ սոցիալական հանրության կողմից ժամանակի ընկալման առանձնահատկությունը, ինչն իրենից ներկայացնում է սոցիումի կողմից՝

1. ժամանակի իրազեկության մակարդակը. այսինքն՝ այն, թե սոցիալ-պետական համակարգի ներ և արտահամակարգային արագընթաց զարգացումները որքանով են ընկալվում հասարակության ուղղորդող խաղացողների կողմից. այլ կերպ՝ թե որքանով են առկա զարգացումները քառսային թվում խաղացողների համար,

2. ժամանակի իրազեկության խորությունը. այսինքն՝ այն, թե որքանով են կարողանում համակարգի հիմնական ուժերը գիտակցել անցյալի և ապագայի միաժամանակյա գոյությունը ներկայում. այլ կերպ՝ զարգացման հետագա ուղու ընտրության իրական սահմանների գոյությունը (տեզաուրուս),

3. ժամանակի ուրվագիծը կամ ձևը (շրջանաձև թե գծային), այսինքն՝ այն, թե զարգացման նոր ուղին ինչ-որ հնի նոր տարբերակն է լինելու, թե ամբողջությամբ մերժում և ստեղծում է համակեցության նոր համակարգ,

4. շեշտադրումը անցյալին կամ ապագային. այսինքն՝ այն, թե տեզաուրուսում առկա հնարավոր տարբերակներից ցանկալին ընտրելիս պետք է առաջնորդվել անցյալում կուտակած տեղեկատվությունից, վերաբերմունքից և ցանկություններից, թե ենթադրյալ առաքելությունից (որոնք երբեմն կարող են նույնանալ): «Այն ուղին, որով խմբի անդամները իրենց կա-

պակցում են անցյալին և ապագային, այսինքն՝ ժամանակային (տեսարանը, պատկերը) հեռանկարը, ընդհանուր առմամբ կախված է խմբի կառուցվածքից և գործառույթներից: Ժամանակային տեսարանը հասարակության արժեքների ինտեգրալ մասն է, և անհատները ներկայում կողմնորոշում են իրենց գործողությունները և ձգտում դեպի ապագան՝ հենվելով խմբի վրա, որի արժեքները նա կիսում է»³⁹,

5. ապագայի արտահայտման եղանակը. այսինքն՝ գերակայող արժեքի շեշտադրումը կամ փոփոխության, նորարարության և առաջընթացի վրա (առաջընթացի կողմնորոշում), կամ կրկնության, նույնականության և կարգի (պահպանողական կողմնորոշում):

Վերոնշյալի լույսի ներքո կարելի է փաստել, որ սոցիալական համակարգի զարգացման անցումային փուլը, որում դրսևորվում են անկայունության երևույթը և ոչ գծային զարգացումները, այլ կերպ՝ քառսային ռեժիմը ոչ այլ ինչ է, քան հարաբերականորեն կարճ ժամանակահատվածում համալիր համակարգում չափազանց մեծաքանակ, բազմամակարդակ պայմանականությունների, փոխհարաբերությունների առկայություն և անցումային ու անկայուն հասարակական համակարգերում՝ արագացող գործընթացների պայմաններում, ժամանակի ընկալումը փոխվում է. տեղի է ունենում ժամանակի սեղմման երևույթը: Այս իրավիճակներում, կախված տվյալ սոցիումի կողմից ժամանակի ընկալման առանձնահատկությունից, երևույթների նկատմամբ սոցիալական սկզբնական հիշողությունը, գրգռվելով ընթացիկ հիշողության կողմից, արթնացնում է որոշ պատկերացումներ, հասկացություններ, վերաբերմունք, արխետիպեր, որոնք էլ համակարգի զարգացման բիֆուրկացիոն (ճյուղավորման) կետում պայմանավորում են սոցիալ-պետական համակարգի զարգացման ընտրությունը:

ՊԵՏՈՒԹՅԱՆ ԵՎ ԻՐԱՎՈՒՆՔԻ**ՏԵՍՈՒԹՅՈՒՆ ՈՒ ՊԱՏՍՈՒԹՅՈՒՆ**

- ¹ St'u Ilya Prigogine, Isabelle Stengers, Order Out of Chaos: men's new dialogue with nature, Bantam Books, 1984, կամ Пригожин И., Стенгерс И., Порядок из хаоса: Новый диалог человека с природой. М., "Прогресс", 2003, էջ 49:
- ² St'u Князева Е.Н. Одиссея научного разума. М., 1995., էջ 83, մեջբերումն ըստ Честнов И.Л. Современные типы правопонимания: феноменология, герменевтика, антропология и синергетика права. Учебное пособие. СПб., 2001, часть 4:
- ³ St'u Честнов И.Л., նշված աշխատությունը:
- ⁴ St'u Пригожин И., Стенгерс И., Время, Хаос, Квант, Москва, 1994, էջ 9:
- ⁵ St'u, *Кастельс М.*, Информационная эпоха. Экономика, общества и культура. Москва, 2000, էջ 39:
- ⁶ Մեջբերումն ըստ *Рассел Б.*, Мудрость Запада. Москва, "Республика", 1998. էջ 51:
- ⁷ St'u *Е. Н. Князева*, Овладение временем и управление коэволюционной сложностью, Новости науки и техники, Гипотезы и предположения, **15 декабря 2009**, էջ 52: St'u նաև <http://oko-planet.ru/science/science-news/26349-en-knyazeva-ovladenie-vrememem-i-upravlenie.html>
- ⁸ St'u J. T. Fraser, *Genesis and Evolution of Time*, Brighton: The Harvester Press, 1982.
- ⁹ St'u П. О. Лукша, *Роль памяти в субъективном времени сложных систем*, / Сборник работ конференции «Феномен времени». Москва, "Дельфис", 2004, էջ 166:
- ¹⁰ St'u Giddens Anthony, *Central Problems in Social Theory*. London: Macmillan, 1979: 3, էջ 202:
- ¹¹ St'u Adam Barbara, *Time and Social theory*. Cambridge: Polity Press. 1990, էջ 2:
- ¹² St'u նույն տեղում, էջ 9:
- ¹³ St'u Pitirim A. Sorokin, *Social and Cultural Dynamics*, vol. 1. New York: American Book Company, էջ 156:
- ¹⁴ St'u Piotr Sztompka, *The Sociology of Social Change*, Blackwell, Oxford UK & Cambridge USA, 1994, էջ 41:
- ¹⁵ St'u Adam Barbara, նշված աշխատությունը, էջ 29:
- ¹⁶ St'u Anthony Giddens, նշված աշխատությունը, էջ 199:
- ¹⁷ St'u Piotr Sztompka, նշված աշխատությունը, էջ 44:
- ¹⁸ St'u Piotr Sztompka, նույն տեղում, էջ 45:
- ¹⁹ St'u Piotr Sztompka, նույն տեղում, էջ 47:
- ²⁰ St'u Piotr Sztompka, նույն տեղում, էջ 48:
- ²¹ Իրավաբանության մեջ դրա լավագույն արտահայտությունը օրենսդրության պահանջվող "իրավական որոշակիության" դոկտրինի և դրանցի բխող վարքագծի իրավական հետևանքները կամխատեսելու հնարավորության առկայությունն է:
- ²² St'u Robert K. Merton, "Social expected durations: a temporal component of social structure", San Francisco: American Sociological Association (mimeo), 1982c.
- ²³ St'u Robert K. Merton, "Social Theory and Social Structure", New York: Free Press, 1968, էջ 365-166:
- ²⁴ St'u Piotr Sztompka, նշված աշխատությունը, էջ 49:
- ²⁵ Սոցիալական ժամանակի գործառույթներն են՝ ա. գործողությունների սինխրոնացում, բ. կոորդինացիա, գ. կարգավորում-դասակարգում, դ. ժամանակացուցավորում, ե. չափում, զ. տարբերակում: - Piotr Sztompka, նշված աշխատությունը, էջ 50-53:
- ²⁶ David J. Lewis and Andrew j. Weigart, "The Structure and meanings of social-time", 1990 in John Hassard (ed.), "The Sociology of time", London, Macmillan, 1990, էջ 92:
- ²⁷ St'u В. И. Аршинов, Н. Г. Савичева, *Гражданское Общество в контексте синергетического подхода*, Общественные науки и современность, 1999, N. 3, էջ 132:
- ²⁸ St'u Любинская Л.Н., Лепилин С.В. *Философские проблемы времени*. Москва. Прогресс, Традиция. 2002:

- ²⁹ Տե՛ս Արшинов В. И., Синергетика времени // Синергетика времени.– М.: Репроникс, 2007.– էջ 6:
- ³⁰ Տե՛ս Казарян В. П., Понятие времени в структуре научного знания. Москва, МГУ, 1980:
- ³¹ Лукша, П. Роль памяти в субъективном времени сложных систем. / Сборник работ конференции «Феномен времени». М.: Дельфис, (2004), էջ 170:
- ³² Տե՛ս Винер М., Мое отношение к кибернетике: Ее прошлое и будущее. — Москва, 1969, էջ 19-20:
- ³³ Տե՛ս Alvin Tofler, The Third Wave, Bantam Books (edition), 1981:
- ³⁴ Հասկացությունը գիտական շրջանառություն է մտցրել Մ. Чашаутելսը:
- ³⁵ Արшинов В. И., նշված աշխատություն, էջ 4:
- ³⁶ Տե՛ս *Кастельс М.*, Информационная эпоха. Экономика, общества и культура. Москва, 2000, մեջբերումն ըստ Արшинов В. И., նշված աշխատություն, էջ 5:
- ³⁷ Можейко М.А. «После времени»: Проблема темпоральности человеческого бытия в постмодернизме.// Время как фактор изменений личности. Под ред. А.В. Брушлинского и В.А.Поликарпова. Минск 2003, էջ 155-175:
- ³⁸ Russ Marion, The Edge of Organization, Chaos and Complexity Theories of Formal Social Systems, SAGE Publications, Thousand Oaks, London, New Delhi, 1999, էջ 82:
- ³⁹ Coser Lewis A. and Coser Rose, “Time perspective and social structure”, 1990, 191-2, in Hassard John (ed.), The Sociology of Time, London: Macmillan, 1990, էջ 191-201: - Օրինակ՝ ամերիկյան հասարակությունը սովորաբար համարվում է դեպի ապագա կողմնորոշված, մինչդեռ հեռավորարևելյան ժողովուրդները օգտագործում են ներկան՝ որպես կիզակետ, որից կեցությունը տարածվում է երկու ուղղություններով, էջ 192:

ՊԵՏՈՒԹՅԱՆ ԵՎ ԻՐԱՎՈՒՆԵՐ**ՏԵՍՈՒԹՅՈՒՆ ՈՒ ՊԱՏՍՈՒԹՅՈՒՆ****РОЛЬ ВОСПРИЯТИЯ ВРЕМЕНИ И НАЧАЛЬНОЙ И
ТЕКУЩЕЙ ПАМЯТИ
В НЕСТАБИЛЬНЫХ И ПЕРЕХОДНЫХ ОБЩЕСТВАХ****Тарон СИМОНЯН***Соискатель кафедры Теории и истории
государства и права ЕГУ*

Человеческое общество является самоорганизующейся открытой системой и всегда находится в процессе трансформации. В настоящее время одним из наиболее важных особенностей социально-государственной систем и, в целом, человеческой жизни является революционный темп изменения, из-за растущей сложности в сфере человеческих отношений и растущего информационного общества, как его результат.

В этих обстоятельствах восприятие времени, в зависимости от уровня и глубины сознания, формы и образа времени, акцента на прошлое или будущее, способов познания бу-

дущего, становится решающим фактором в процессе исследования эволюции социально-государственных систем.

Имея в виду все это, можно заметить, что переходный период, когда социальные системы нестабильны и находятся в нелинейной динамике (хаос), есть не что иное, как наличие обширных и многоуровневый условий, отношений в сложных социально-государственных систем, где временное восприятие изменяется, и время начинает сжиматься. В этих условиях социальная начальная память, возбуждаясь текущей памятью, пробуждает некоторые отношения, идеи, архетипы, и т.д., которые определяют выбор развития социально-государственной систем в момент бифуркации.